

花 爨 懣

餘

影 餘

綺

詞 詞 語



三三三

三

三三

三

三三三



嬰

餘

詞

郭
麐
著

中
華
書
局

纂餘詞

此據榆園叢刻本
排印初編各叢書
僅有此本



邁孫重銓靈芬館詞甫竟高君龔甫出所藏曩餘詞一卷相眎蓋道光壬午冬頻伽先生寓樓不戒於火後從友好鈔集而成者邁孫得之如獲拱寶亟爲補苴以成完璧龔甫之有功於靈芬爲不淺矣古人遺文墜業散佚不傳者不知凡幾世有如邁孫龔甫其人者爲之搜輯而存之吾當鑄金事之尤願邁孫力充此意於無窮已也庚辰二月秀水沈景修記

墨餘詞卷一

河傳

清 吳江 郭 慶祥伯著

茶蘼

題碧梧女士
畫扇六首

春晚人倦。起來遲。額角輕黃退時。二十平四番風信吹。絲絲枕函殘夢知。入骨甜香濃似酒。簾卷後。小試折枝手。步池塘。過回廊。匆忙鉤他宮裏長。

清平樂

紫丁香

團香蹙繡。一剪春風皺。十索新詞渾未就。贏得丁癡消瘦。芭蕉不展微陰。含豪幾度沈吟。付與閒愁百結。不成沒箇同心。

南鄉子

茉莉

小玉雪肌膚。道是珠孃道是吳。一種卻教儂豔羨。花奴得敏船舷見。彼姝。綺夢半銷除。振觸閒情尙爲渠。記得夜涼人睡醒。紗幮愛問雲鬟墮也無。

憶秦娥

秋海棠

秋如水。露涼風細添顚顚。添顚顚。何曾得似。那時濃睡。一番薄病扶初起。爲伊立向空階裏。空階裏。亂蛩殘月。冷清清地。

洞仙歌

落梅

人閒無地著春愁。千斛。一夜東風與埋玉。算玲瓏鎖骨。葬向空山也。

勝似、蚤蚤安排金屋。招魂來紙上。斷粉零香。猶是眉間舊時綠。莫道不相思。點點啼痕。已漬滿輕綃十幅。待夢到、西冷去尋伊。怕別院樓頭。又吹橫竹。

浣溪紗

蘭花

髣髴銅鉗見露苗。疏花嫩蕊澹含嬌。湘江清淚滴春潮。豈有心心同婉孌。并無葉葉助風標。斷腸一集是離騷。

臺城路

和蔚堂題楊白花詩意卷子韻

不勝淒黯江南夢。濛濛慣隨春去。水驛波寒。山亭風緊。身世有誰爲主。迷離如許。記曾向長隄。那邊呼渡。一帶絲楊。前羣不是舊時路。紗窗才拓幾扇。只捲簾人起。初見飛度。燕子關心。伯勞偷眼。尙有流

鶯相訴。東風辛苦。問吹皺池塘。送伊何所。打槳蘋洲。和儂魚筍譜。

憶舊遊

滄輿園故址

見蘆芽抽碧。葉甲攙青。柳綫搓黃。路轉荒城角。陂灣環漫水。圍住陂
塘。著意瀲灩冶冶。分綠上魚缸。想盪漿船歸。蒲葦人去。留下波光。
中央。儼孤嶼。是平遠江山。鷗鷺家鄉。小立斜陽裏。指斷霞明處。昔日
紅牆。塵世幾堪俛仰。隨地有滄桑。待菡萏花時。還招野客乘晚涼。

行香子

題小迂畫扇。送老薑返揚州。

蠶老柔桑。鶯老垂楊。又匆匆。送盡春光。送春送客。同在他鄉。乍月
廳。臘雲澹。澹雨浪浪。豆蔻初嘗。芍藥能香。有人人。正夢維揚。勸伊小
住。弭棹橫塘。待櫻桃爛。梅子熟。批杷黃。

齊天樂

真州見杏花盛開。

江南何處無煙雨。先生者同歸未。淮浦颿收。揚州夢破。墮入紅雲隊裏。烏篷搖曳。早撲樹灣頭。一旗酒貫。卅里夭桃。愁春未醒尙濃睡。江湖載酒無端笑。梅花開過。猶自留滯。今日重三。明朝百五。又見老烏銜紙。樹猶如此。銷燕燕鶯鶯。幾番身世。賣到樓前。曉妝人定起。

柳梢青

子貞招遊湖上。題酒家壁。

如畫春城。乍寒暫暖。似雨還晴。梅萼將飛。桃枝欲放。柳色才青。時令序難并。算者度韶華有情。昨夜初三。今朝寒食。來日清明。頁

瑤華慢

小金山梅花欲殘。香雪猶浮動山水間。

煙痕乍禁。袂事初修。尙薄寒時節。雙漿掠波。已喜得、橋外水光先活。
香南、雪北。臘一片。冷雲明滅。想妙高臺最高寒。未有玉人橫笛。獨
敲烏帽來尋。認月觀風亭。步步幽絕。清遊較晚。早滿磴。落英如積。斜
陽澹處。又鉤起、二分新月。任隔牆、梵放催歸。未許翠禽啼歇。

憶舊遊

過揚州。未得尋樗園。悵然作此。

又煙花三月。浩盪扁舟。來問隋宮。不待珠簾捲。向管絃聲裏。別去匆
匆。記得舊巢痕在。禪榻占春風。有竹影便娟。茗花妍媚。桂樹丰茸。
於中。多好事。曾歌邀子夜。曲懊吳儂。酒人兼狹客。愛翻香令小。減字
聲重。一點綠毛么鳳。容易傍梧桐。問今度桃花。何如昔日人面紅。

夢橫塘

糧艘浣衣女郎。婉孌可念。感而賦之。

文魚銜尾。綵鷁排頭。移來一痕波。輕。小小窗櫺。正雨過。筠簾齊捲。越
紵裁前。吳棉坼後。停鍼人倦。趁洗頭盆好。蘸碧按藍。猶憐取。餘香染。
知伊住近橫塘。有機中素織。石上紗澣。髻縮拋家。便一任。絮萍漂
轉。算直北。風埃撲鬢。只恐羅衣暗中換。弄暝天光。柁樓晚飯。想心情
都嬾。

一翦梅

贈荻君。

夾轂相逢問狹斜。樓上琵琶。門外枇杷。風吹多少肯來耶。臣里東家。
吳苑西家。澹澹藤蘿映月華。好片圓沙。好浣溪紗。鴛鴦頭白記些
些。不是楊花。不是蘆花。

貂裘換酒

題小農停杯願曲圖。

宛轉提壺喚。泛觥船。百分一棹。花滿酒滿。絲竹中年須陶寫。隨分玉簫金管。有兩兩。蟲蟲燕燕。薄醉不消判茗芋。已訝羅帶。春寒淺。綽板促。急觴緩。廿年前事。韶華換。又相逢。甕邊捉虱。依然酒伴。後院綺筵休著我。杜牧狂言原慣。早猜出。護花人面。嚼蕊吹香了。無悞。問檀郎。何事頻回看。浮大白。莫辭勸。

買陂塘

雲臺先生寓京邸時。有小園。太常寺仙蝶嘗一再見之花。前舊藏董文敏詩箋。有蝶夢之句。因取以名園。且繪爲圖。而裝詩箋於前。摹仙蝶於後。屬賦。

算王城萬人如海。惟餘傲吏能隱。阜城門內岡南畔。尺五去天差近。花成陣。仗廿四番風。次第催芳信。廊腰井吻。有芍藥亭欹。茶蘼架重。容易落紅權。容臺叟。便面銀鉤猶印。墨痕如此芳潤。漆園有道義。

皇上。那屑六朝金粉。頻問訊。識此客。人間不羨朱衣引。圖書經進。好平地歸來。小園賦罷。黑蝶繞雙鬢。

高陽臺

病酒

似夢還醒。將眠又起。今朝直恁無聊。未展屏山。帳紋時動冰綃。數聲啼鳥。驚人覺。已慊慊。紅日花梢。喚茶甌。眼倦微搓。舌強須饒。天涯沒个閒消遣。沉故人重見。俊侶都招。雪白花紅。那禁物色相撩。元龍豪氣隨年減。算而今。祇讀離騷。計行程。私祝江風。莫阻歸橈。

鵲橋仙

留別荻君

鷗侶同波。秋心比潔。野水荒簷愁別。多應石上有前期。又墮我一丸蘿月。莫是潯陽。夜來送客。醉貌略如楓葉。天寒日暮定相思。判盡

到爐灰成雪。

水調歌頭

曼生屬題其大父魯齋先生釣鼇圖。

陳登湖海士。李白地行仙。置身只合蓬島。九點舫齊煙。截得孤生之竹。綴以一丸明月。引手六鼇連。最好不貪竇。閒任老龍眠。螭坳立。熊軾畫。賦歸田。騎鯨一笑天上。披髮去翩然。今日繫舟山下。尙有讀書孫子。小割試烹鮮。待爾政成後。同放五湖船。

買陂塘

題種水圖。用原韻。

笑村農。何曾學稼。釣徒或者堪擬。隨身但有閒漁具。那用鶴頭鴉背。如此水。便都變良田。盡種長腰米。也能餘幾。要秔釀春醪。糧分瘦鶴。花插百弓地。揚州夢。中酒阻風聊爾。灌夫曾畜爲弟。

君與余齊年。月小耳。

封侯

老矣知無分。亭長新銜魚計。浮世事。恨漁父。湘纍不得同時醉。掃除家累。約一舸相從。五湖許泛。分取畫中意。

原作

曹言純

宅清漳。中央南北。前賢軌躅難擬。由拳城外誰爲伴。鷗鷺招來沙觜。畊白水。拚羹飽菰絲。香飯炊菰米。田園賸幾。笑兩漿緣流。一篙踴浪。那有卓錫地。形容額。無分登廡畫爾。家風漁父兄弟。魚陂千石封侯等。也乏計然心計。身外事。算儘付蓑衣。獨速船頭醉。閒情自累。只笠澤編書。蕢州譜遂。未了舊時意。

風蝶令

題伯生香嬰室圖

館是童初築。山仍羣玉居。神仙何事最關渠。聞說三千玉女盡知書。傳得嬋娟影。憑將樓閣圖。新宮一記待儂無。還要蠶眠細字倩麻。

姑。

菩薩蠻

題雙紅豆圖。

東風在手靈苗活。南園紅豆春來發。接葉更交枝。一雙兩小時。長真高閣好。閣裏人難老。記曲喚紅紅。芳名也愛重。

買陂塘

題改七香少年聽雨圖。

最銷魂。蕭蕭暮雨。吳娘舊曲曾聽。畫船櫂轉花兜外。六扇窗紗紅近。眠未肯。任窄地香羅垂下流蘇等。九枝燈檠。照人影幢幢。屏風曲曲。容易卸妝竟。歡場好。只倚少年豪橫。花前醉倒休醒。星星一點來頭上。便與歌樓無分。君也省。要招此無家同住清涼境。香蹬清磬。儘蝙蝠拂簾。芭蕉繞屋。欹枕睡來穩。

時有破山寺結夏之詩